

SANCTISS. DOMINI NOSTRI D.
INNOCENTII

DIVINA PROVIDENTIA

P A P Æ XII.

CONSTITVTIO

*Super suppressione venalitatis Officij
S.R.E.Camerariatus, & quamplurium
eius reddituum applicatione Came-
ræ Apostolicæ, & publicæ Aro-
matariæ pro pauperibus
Vrbis.*



ROMÆ, M.DC.XCVIII.

Ex Typographia Reuerendæ Cameræ Apostolicæ.

SANCTISS. DOMINI
INNOCENTII

DIVINA PROVIDENTIA

P A P A E

CONSTITUTIO

Super suppressione corporum
S.R.E. Cameracensis, & archiepiscopatus
eius archidiaconi & officialis
re Apostolicis & publicis
matricis pro perpetua
Vbi.



ROMÆ. MDCXCIII.

INNOCENTIUS EPISCOPUS SERVVS SERVORVM DEI

Ad perpetuam rei memoriam.



AD Romani Pontificis, quem constituit Dominus super familiam suam, ministerium pertinet, vt post multas, & graues Pastoralis officij curas, ad temporalium quoque Sanctæ Romanæ Ecclesiæ Bonorum custodiam vigilet, & Cameræ Apostolicæ, per quam quotidianis pro conseruatione Ecclesiasticæ ditionis oneribus, & communibus etiam Christianæ Reipublicæ necessitatibus subuenitur, profectui, & commodis, tamquam fidelis dispensator, & prudens, habita etiam de pauperibus, quorum Ecclesiæ res patrimonium sunt, prouideratione prospiciat: sicque refecatis, absque dignitatis imminutione, quæ in Romanæ Curie maioribus etiam Officijs superflua videri possunt, fiat vnus abundantia multorum inopiæ supplementum.

Cum itaque vetus, ac præclarum nostri, & S. R. E. Camerariatus Officium, quod per obitum nuper boni mem: Palutij, dum vixit, Episcopi Portuenſis S. R. E. Cardinalis de Alterijs nunciati vacauit, & vacat in præsens, Romanorum Pontificum prædecessorum nostrorum concessione multiplici, ac præsertim fel. rec. Gregorij XV. anno Incarnationis Dominicæ millesimo sexcentesimo vigesimo primo Pridie Nonas Maij Pontificatus sui anno primo de super expeditis literis, vltra quamplura priuilegia, & facultates, atque prærogatiuas pinguibus redditibus, & emolumentis hætenus abundare consueuerit; quæ quidem ex eo maxime decursu temporis excreuisse noscuntur, quod olim Camerariatus huiusmodi inter Romanæ Curie Officia venalia recensebatur, cuius propterea ingenti pretio congruebat reddituum assuetudinem respondere: Nos, qui, ne in posterum Causarum Curie Cameræ nostræ Apostolicæ Auditoratus, ac Thesaurarius generalium, necnon Clericatum, & Præfidentatus Officia recepto pretio concederentur, alias edita Constitutione nostra sancimus; eisque magis à prædicto Camerariatus Officio, quod personis amplissima Cardinalatus dignitate fulgentibus tribui solet, omnem venalitatis, ac pretij mentionem arceri consultius arbitramur, eidem Cameræ nostræ, quæ iam à longo tempore liberalibus, ac gratiosis eorundem Romanorum Pontificum prædecessorum nostrorum condonationibus interuenientibus pretij commodum non recepit, & multis alijs oneribus prægrauatur, indemnitati consulere congruum duximus, simulque Sapientis illud: Honora Dominum de tua substantia, monitum adimplendo, in aliquod pium

Opus huic Altre Vrbi nostrę maximę necessarium, prefatorum portionem fructuum erogare.

Quapropter habito super his nonnullorum dilectorum filiorum Romanę Curię Pręlatorum probitate, doctrina, rerumque vřu pręstantium consilio, atque etiam Motu proprio, & ex certa scientia, ac matura deliberatione nostrę, deque Apostolicę potestatis plenitudine, hac nostrę perpetuę valitura Constitutione prędicti Camerariatus Officij venalitatem omnem penitus, & omnino supprimimus, extinguimus, & abolemus, illudque deinceps absque vřla prorsus pretij interuentione, virtutis, ac meritorum duntaxat intuitu conferri decernimus, & mandamus.

Omnes autem pręfati Camerariatus Officij fructus, redditus, prouentus, regalia, salaria, iocalia, responsiones, obuentiones, aliaque cuiusuis generis emolumenta tam ordinaria, quęm extraordinaria quocunque nomine nuncupata, & vřdecunque proueniant, ad Camerarium pro tempore existentem, tam Sede Apostolica plena, quęm vacante quomodolibet pertinentia, & ab eo percipi sũlta, ab eodem Camerariatus Officio, sũlva duntaxat infra scripta reservatione, harum serie penitus, & omnino dismembramus, ac separamus, & pro dismembratis, ac separatis haberi volumus, & mandamus.

Porrõ, vt memorati Officij amplitudo ea, qua decet, autoritate, & honorificentia confeructur, simulque expensarũ, ipsi incumbentium necessitati de alicuius subuentionis auxilio provideatur, priuilegia, facultates, pręrogatiuas, pręeminentias, antelationes, exemptiones, immunitates, iurisdictiones, gratias, & indulta omnia, quę Camerario prędicto pro tempore existenti tam ex pręfatorum Romanorum Pontificum prędecessorum nostrorum concessionibus, quęm ex legitima, & approbata consuetudine, aut alias quomodolibet competeant, & quibus Palutius Episcopus Cardinalis, & Camerarius pręfatus vsus, potius, & gauius fuit, seu vřt, potiri, & gaudere debuit, excepta tamen facultate conferendi, seu providendi Officia in pręfatis Gregorij prędecessoris literis enumerata, super quibus omnibus, & singulis, eaque in futurum conferendi forma specialiter prouidere intendimus, sũluisque alijs infra dicendis, eidem Camerario pro tempore existenti in omnibus, & per omnia, motu, scientia, deliberatione, & potestatis plenitudine paribus earumdem tenore pręsentium pręseruamus, confirmamus, & innouamus, eique omnia, & quęcunque emolumenta ex sigillo eiusdem Officij proueniant, & hactenus percipi solita cum suis honoribus, & oneribus plenarię reservationis, & quatenus opus sit, de nouo concedimus, & attribuimus.

Quoniam verõ quemadmodum ab ipso suscepti à nobis Apostolatus initio pauperum, qui Domini Nostri Iesu Christi personam sustinent, necessitatibus subleuandis, inualidorum Hospitium Apostolicum erigendo, & iuxta Prophetę consilium, egenos, vagosque in Domum nostram inducendo, nec non puerorum, ac puellarum instructioni simul, & indigentię prospiciendo Pastoralis nostrę sollicitudinis ministerium impendimus; ita cęteras, grauēque dictę Vrbiē necessitates, vřgente nos iugiter Pastoralis officij debito, obliuisci non possumus: propterea miseriam inopum, & gemitum pauperum, pręsertim infirmitate corporis

labo-

laborantium, qui ad nosocomia, quibus eadem Urbs, benedicente Domino abundat, transportari commodè nequeunt, quantum cum Deo possumus, subleuare volentes, attento quod Palutius Episcopus Cardinalis, & Camerarius prædictus, qui etiam Archiconfraternitatis Sanctorum Duodecim Apostolorum de Urbe Protector existeret, inter cætera pietatis, & Christianæ charitatis officia publicam Aromatarium, seu medicamentorum Officinam pro pauperibus à similibus mæra. Francisco, dum-vixit, Episcopo Hostiensis, eiusdem S.R.E. Cardinali Barberino nuncupato, dictæ Archiconfraternitatis itidem Protectore proprio ære primùm erectam, instructamque, ac per plures annos vsque ad obitum de necessarijs prouisam, suis pariter sumptibus prouidebat, & sustentabat; vt tam pij operis firmitati perpetuæ dotis constitutione consultum sit, ex præfatis emolumentis, atque prouentibus. vt præferatur, à Camerariatus Officio dismembratis, omnia, & singula, quæ tam ex massa Collegij Notariorum Cameræ nostræ Apostolicæ, quàm ex Collectorijs in Regnis Hispaniæ, Lusitanæ, & Neapolis ac vniuersa Italia Vigesima nuncupata, quæq; ad rationem duorum pro centenario super spolijs, fructibus, & emolumentis omnibus dictarum, & aliarum Collectoriarum vbicunq; institutarum, & instituendarum, ac etiam occasione Decimarum impositarum, & imponendarum quarumcunque, siue subsidiarum earum loco suppositorum, & supponendorum, Camerario præfato pro tempore obueniebant, & ab eo percipi consueverant, in eodem statu, quo de præfatis sunt, atque erunt in futurum, ita vt ob quamcunque eorum diminutionem quantumuis maximam, atque etiam totalem, & integram deficientiam ad aliquod supplementum Camera prædicta nullo vnquam tempore teneatur, eidem Aromatarij, seu Officiæ, sub præfate Archiconfraternitatis, eiusque Prioris, ac Deputatorum pro tempore existentium administratione, earundem tenore præfatum perpetuò donamus, concedimus, & assignamus.

Reliquos autem omnes Camerariatus Officij præfati fructus, redditus, ac prouentus, vt supra dismembratos, Cameræ supradictæ, debitis tamen iisdem annexis, atque antea Camerario prædicto ratione fructuum, reddituum, & prouentuum huiusmodi incumbentibus oneribus per eam congruè supportatis, motu, scientia, deliberatione, ac potestatis plenitudine similibus, harum serie perpetuò itidem restituimus, reuimus, applicamus, & incorporamus.

A signanter omnia, & singula emolumenta, seu præstationes prædicto Camerario pro tempore existenti, ex rebus venalibus, seu stationum pro venditoribus locatione, aut alijs in foro Agonalis, solitis detractis oneribus, quomodolibet competentia, & ab eo percipi hætenus consuetæ, quæ alia per nos dudum edita Constitutione Tribunali, & Magistratu Viarum sub cura pro tempore existentis illarum Præfidis restituta, vnita, & incorporata fuerant; cum experientia compertum sit, ex gratijs, & concessionibus in eadem Constitutione contentis, & successiue diligentiori præfati Tribunalis regimine satis eiusdem necessitatibus esse consultum, præuia eorundem emolumentorum ab eodem Tribunali, ac Magistratu, & quatenus opus sit, noua etiam à Præfato Camerariatus Officio dismembratione, nec non antedictæ Constitutionis nostræ hac in parte duntaxat derogatione, cæteris omnibus in eadem Constitutione dispositis, ac præsertim iurisdictione Tribunalis eiusdem, nec

noq

non facultate locandi, de consensu tamen Commissarij generalis memorate Cameræ pro tempore existentis, in suo robore permanens, eidem Cameræ nostræ perpetuò pariter vnimus, annectimus, & incorporamus.

Decernentes easdem præsentis literas, & in eis contenta quæcunque etiam ex eo quòd præfati Præses, ac Magistri Viarum, seu alij eiusdem Tribunalis, ac Magistratus Officiales, & alij quicunque in præmissis quomodolibet interesse habentes, seu habere prætendentes eisdem præmissis non consenserint, aut vocati, seu auditi non fuerint; tamen si suorum Indultorum, seu priuilegiorum vigore consentire, vocari, seu audiri semel vel pluries quoquomodo debuissent, aut ex alia quacunque quantumvis iuridica, & priuilegiata causa de villo subreptionis, vel obreptionis, seu nullitatis vitio, aut intentionis nostræ, vel interesse habentium consensus, alioque quocunque etiam quantumvis magno, formali, & substantiali defectu, notari, impugnari, redargui, retractari, in ius, vel controuersiam reuocari, ad terminos iuris reduci, seu aduersus illa a periculis oris, restitutionis in integrum, aliudue quodcunque iuris, facti, vel gratiæ remedium intentari, vel impetrari nullatenus posse: sed semper & perpetuò valida, firma, & efficacia existere, & fore, suosq; plenarios, & integros effectus sortiri, & obtinere debere, & ab omnibus, ad quos spectat, & pro tempore quandocunq; & quomodocunq; spectabit, inuiolabiliter obseruari: sicque & non aliter per quoscunq; Iudices Ordinarios, & Delegatos, quauis autoritate, præminentia, aut potestate fungentes, & futuros, etiam causarum Palatii Apostolici Auditores, ac eiusdem S.R.E. Camerarium, & alios Cardinales etiam de latere Legatos, diæque Cameræ Præsidentes Clericos, & alios Officiales, & Ministros quoscunque, sublata eis, & eorum cuilibet quauis aliter iudicandi, & interpretandi facultate, iudicari, & definiri debere, irritum quoque, & inane, si secus super his à quoquam scienter, vel ignoranter contigerit attentari.

Non obstantibus quòd ad ea, quæ præsentibus aduersantur, prædictis Gregorij prædecessoris, & nostris super confirmatione, & concessione facultatum Magistratus Viarum literis, & quatenus opus sit, de lure quæsito non tollendo, alijsque nostris, & Cancellariæ Apostolicæ regulis, nec non scilicet: Symmachi, Pauli II. Pauli IV. nec non aliorum quorumcunque Romanorum Pontificum prædecessorum nostrorum de rebus Ecclesiæ & Cameræ præfatæ non alienandis, & male alienatis recuperandis, illisque non obligandis, ac rec: mem: Pij Papæ IV. similiter prædecessoris de gratijs quæcunque Cameræ Apostolicæ interesse concernentibus in dicta Camera intra certum tempus præsentandis, ac registrandis; itaut præsentis literas ibidem præsentari, aut registrari nunquam necesse sit, alijsque Constitutionibus, & Ordinationibus Apostolicis, ac dictæ Cameræ, alijsque quibuslibet, etiam iuramento, confirmatione Apostolica, vel quauis alia firmitate roboratis statutis, regulis, & consuetudinibus, ac Decretis etiam Cameralibus & Concistorialibus, priuilegijs quoque, Indultis, & literis Apostolicis eisdem Camerario, Cameræ, Tribunali, Magistratui, & Officialibus præfatis sub quibuscunque tenoribus & formis, cum quibuslibet etiam derogatorijs derogatorijs, alijsque efficacioribus & efficacissimis, & insulatis clausulis & Decretis in genere, vel in specie, etiam motu, & potesta-

tis plenitudine similibus, aut aliàs quomodo libet per nos & Romanos Pontifices prædecessores nostros in contrarium eorundem præmissorum concessis, ac etiam pluries confirmatis, innouatis, & approbatis. Quibus omnibus & singulis, etiam si pro illorum sufficienti derogatione de illis, eorumque totis tenoribus specialis, specifica, & indiuidua, ac de verbo ad verbum, non autem per clauulas generales idem importantes mentio, seu quæuis alia expressio habenda, aut alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita obseruata exprimerentur, & infererentur, ijsdem præsentibus pro plenè ac sufficienter expressis, & insertis habentes, illis aliàs in suo robore permanfuris, ad præmissorum effectum harum serie specialiter, & expressè, motu, scientia, deliberatione, & potestatis plenitudine paribus derogamus, & derogatum esse volumus, cæterisque contrarijs quibuscunque.

Nulli ergo omnino hominum liceat paginam hanc nostrarum suppressionis, dismembrationis, præseruationis, confirmationis, reseruationis, concessionis, applicationis, incorporationis, intentionis, decreti, mandati, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se noverit incurfurum.

Datum Romæ apud Sanctam Mariam Maiorem Anno Incarnationis Dominicæ Millesimo Sexcentesimo Nonagesimo Octauo, Quarto Idus Augusti Pontificatus nostri Anno Octauo.

B. Card. Prodatarius.

I. F. Cardinalis Albanus.

Visa de Curia C. A. Fabronus.

Loco ✕ Plumbi.

Phil. Porta.

Registrata in Secretaria Breuium.

Anno à Natiuitate Domini Nostri Iesu Christi millesimo sexcentesimo nonagesimo octauo Indictione sexta, die verò vigesima quarta Augusti, Pontificatus autem Sanctissimi in Christo Patris, & D. Nostri D. INNOCENTII Diuina Prouidentia PAPÆ Duodecimi Anno Octauo; supradictæ literæ Apostolicæ affixæ, & publicatæ fuerunt ad valuas Ecclesiæ S. Ioannis Lateranensis, Basilicæ Principis Apostolorum, Curie Innocentianæ, Cancellariæ Apostolicæ, in acie Campi Floræ, & in alijs locis solitis, & consuetis Urbis, per me Petrum Cannamellinum eiusdem SS. D. N. PAPÆ Cur forem.

Ioannes Baptista Cappelli Mag. Cusq.

[illegible]

B. Card. Probatarius. I. T. Cardinalis Albanus.

Vila de Curitiba, 24 de Fevereiro.

Luce & Plumb

R. M. S.

22 D. N. J. 1990-1991